



অবিলম্বে প্রকাশের উদ্দেশ্যে: 8/8/2022

গভর্নর ক্যাথি হোকল

গভর্নর হোকল নিউ ইয়র্কের বয়স্ক মানুষ ও তাদের পরিবারের জন্য আবাসন  
ক্রয়ক্ষমতা বৃদ্ধি করতে বিধিমালায় স্বাক্ষর করলেন

*বিধিমালা S.3085A/A.3956A 65 বছরে বেশি বয়সী মানুষের জন্য এবং অক্ষমতা ও  
সীমিত আয়সহ মানুষের জন্য সম্পত্তির কর অব্যাহতি পাওয়ার যোগ্যতা সম্প্রসারণ  
করার একটি স্থানীয় বিকল্প প্রদান করে*

*বিধিমালা S.8890/A.9135 প্রথম বারের মতো বাড়ি কিনছে এমন মানুষের জন্য সম্পত্তি  
কর অব্যাহতির একটি স্থানীয় বিকল্প প্রদান করে*

*বিধিমালা S.9193/A.10271 নিম্ন থেকে মধ্যম আয়ের বয়স্কদের জন্য RESTORE-র  
মাধ্যমে জরুরি বাড়ি মেরামতের সময়সীমা এবং ব্যয় করা অর্থের পরিমাণ বৃদ্ধি করে*

*নতুন বিধিমালাটি গভর্নরের দেশব্যাপী ক্রয়ক্ষমতা সঙ্কটের মধ্যে নিউ ইয়র্কবাসীকে  
সাহায্য করার প্রতিশ্রুতিকে নিশ্চিত করে*

গভর্নর ক্যাথি হোকল আজকে একটি বিধিমালার প্যাকেজে স্বাক্ষর করেছেন যার উদ্দেশ্য হলো  
নিউ ইয়র্কের বাড়ির মালিকদের জন্য, বিশেষ করে 60 এবং এর বেশি বয়সীদের জন্য কর ত্রাণ  
বিস্তৃত করা। প্যাকেজটি, যেটিকে স্টেটের আইনসভার সদস্য এবং অ্যাডভোকেটদের সাথে  
স্বাক্ষর করা হয়েছে, প্রথম বারের মতো বাড়ি কিনছে যারা এবং বয়স্ক নাগরিক বাড়ির মালিকদের  
সমর্থন করতে সাহায্য করবে, যেহেতু মুদ্রাস্ফীতি, মূল্যবৃদ্ধি, এবং অন্যান্য ব্যাপার দেশব্যাপী  
ক্রয়ক্ষমতা সঙ্কট বাড়িয়ে দিচ্ছে।

"আমি নিউ ইয়র্কের বাড়ির মালিকদের পকেটে অর্থ ফেরত দিতে এবং বয়স্ক মানুষ ও  
পরিবারকে নিজেদের বাড়িতে টিকে থাকতে সাহায্য করার জন্য এইসব বিলে স্বাক্ষর করতে  
পেরে গর্বিত," **গভর্নর হোকল বলেন।** "যেহেতু মুদ্রাস্ফীতি এবং মূল্যবৃদ্ধি দেশব্যাপী  
পরিবারসমূহের উপর চাপ সৃষ্টি করছে, এই বিধিমালাটি বয়স্ক নিউ ইয়র্কবাসী থেকে শুরু করে  
প্রথম বার বাড়ি কিনতে যাচ্ছে এমন নিউ ইয়র্কবাসী পর্যন্ত সকলের অতি প্রয়োজনীয় কিছু ত্রাণ  
পাওয়া নিশ্চিত করতে সাহায্য করবে। আমি এই বিধিমালার কাজ শেষ করার জন্য এবং নিউ

ইয়র্ককে ক্রয়ক্ষমতার মধ্যে রাখার আমাদের মিশনে তাদের অংশীদারিত্বের জন্য বিলগুলির স্পন্সরদের ধন্যবাদ জানাচ্ছি।"

## **নতুন বিধিমালা**

আজকে স্বাক্ষর করার বিলগুলি নিউ ইয়র্কের সম্পত্তি কর অব্যাহতি পাওয়ার এবং [বয়স্কদের জন্য \(বাড়ি\) মেরামতের আবাসিক জরুরি সেবাদান কর্মসূচির \(Residential Emergency Services to Offer \(Home\) Repairs to the Elderly, RESTORE\)](#) যোগ্যতা সম্প্রসারণ করবে যা 60 বছর বা তার বেশি বয়সী বাড়ির মালিকদের এমন মেরামত করার আর্থিক সংস্থান প্রদান করে যা তাদের নিজেদের বাড়িতে স্বাধীনভাবে বাস করা অব্যাহত রাখতে দেয়। এর মধ্যে রয়েছে:

- **বিধিমালা S.3085A/A.3956A:** এটি মিউনিসিপ্যালিটিগুলিকে নিউ ইয়র্কের বাস্তব সম্পত্তি কর অব্যাহতির উপযুক্ত হওয়ার জন্য 65 বছর বা তার বেশি বয়সীদের জন্য এবং অক্ষমতাসহ মানুষের জন্য সর্বোচ্চ আয়ের সীমাকে বর্ধিত করে 50,000 মার্কিন ডলার করতে দেয়। আজকের পূর্বে, নিউ ইয়র্ক সিটির বাইরে বয়স্ক ও অক্ষমতাসহ মানুষদের জন্য সর্বোচ্চ উপযুক্ত আয় ছিলো 29,000 মার্কিন ডলার।
- **বিধিমালা S.8890/A.9135:** এটি স্থানীয় মিউনিসিপ্যালিটিসমূহের জন্য প্রথম বার নবনির্মিত বাড়ি কিনছে এমন মানুষের জন্য একটি সম্পত্তি কর অব্যাহতি প্রদনার বিকল্প 2028 সাল পর্যন্ত সম্প্রসারিত করে। আজকের পূর্বে, এই বিকল্পটি এই বছরের শেষে মেয়াদোত্তীর্ণ হওয়ার কথা ছিলো।
- **বিধিমালা S.9193/A.10271:** এই বিলটি জরুরি মেরামতের প্রয়োজন আছে এমন বয়স্ক বাড়ির মালিকদের আরো নমনীয় সময়সীমাতে আরো বেশি সুবিধা প্রদান করে, RESTORE প্রকল্পসমূহের ডেডলাইন বৃদ্ধি করে 60 দিন করার মাধ্যমে এবং প্রকল্প প্রতি অনুমোদিত সর্বোচ্চ ব্যয় 20,000 মার্কিন ডলার করার মাধ্যমে।

## **বয়স্কদের ক্রয়ক্ষমতার প্রতি গভর্নর হোকলের প্রতিশ্রুতি**

পদ গ্রহণের পর থেকে, গভর্নর হোকল ক্রয়ক্ষমতাকে একটি শীর্ষ অগ্রাধিকার করেছেন। আজকের বিল স্বাক্ষর খরচ কমাতে এবং কর ত্রাণ প্রদান করে অর্থ প্রতিদিনের নিউ ইয়র্কবাসীদের, যাদের মধ্যে নিউ ইয়র্কের বয়স্করাও অন্তর্ভুক্ত, হাতে রাখতে গভর্নরের প্রতিশ্রুতিকে নিশ্চিত করে।

## **বয়স্কদের জন্য সাশ্রয়ী আবাসন**

গভর্নর হোকল নিউ ইয়র্কের আবাসন ক্রয়ক্ষমতা সঙ্কট সামাল দিচ্ছেন একটি 25 বিলিয়ন মার্কিন ডলারের আবাসন পরিকল্পনা দ্বারা, যার মধ্যে রয়েছে বয়স্কদের জন্য নতুন আবাসন তৈরি করতে 300 মিলিয়ন মার্কিন ডলার। গত বছরে, স্টেট 1,400-র বেশি ইউনিট বয়স্ক আবাসন নির্মাণের ঘোষণা দিয়েছে।

## **বয়স্কদের জন্য কর ত্রাণ**

নিউ ইয়র্ক স্টেট 65 বছর বা তার বেশি বয়সীদের জন্য একাধিক রিফান্ডযোগ্য এবং রিফান্ডযোগ্য-নয় এমন কর ক্রেডিট প্রদান করে যাচ্ছে। দীর্ঘমেয়াদী যত্নের বীমা ক্রেডিট সেই

সব ব্যক্তি ও ব্যবসাকে সুবিধা প্রদান করে যারা দীর্ঘমেয়াদী যন্ত্রের বীমা পলিসির জন্য যোগ্য হতে প্রিমিয়াম প্রদান করে। বাস্তব সম্পত্তি কর ক্রেডিট নিউ ইয়র্কের বাড়ির মালিকদের সম্পূর্ণ বা আংশিক বাস্তব সম্পত্তির কর পরিশোধ করার সুবিধা প্রদান করে।

পাশাপাশি, প্রণীত বাজেটের অংশ হিসেবে, গভর্নর এবং স্টেট আইনসভা নিউ ইয়র্ক স্টেটজুড়ে [বাড়ির মালিকদের রিবেট কর ক্রেডিটের](#) মাধ্যমে আনুমানিক 2.5 মিলিয়ন বাড়ির মালিককে 2.2 বিলিয়ন মার্কিন ডলার কর ত্রাণ প্রদান করেছে। 2 মিলিয়নের বেশি চেক ইতিমধ্যে প্রদান করা হয়ে গেছে এবং অবশিষ্ট চেকগুলি আগামী মাসগুলিতে প্রেরণ করা হবে।

### **মেডিকেইড পাওয়ার সুযোগ বিস্তৃত করা**

এর পূর্বে এই বছরে, প্রণীত বাজেটের অংশ হিসেবে, গভর্নর হোকল এবং নিউ ইয়র্ক স্টেটের আইনসভা মেডিকেইড এবং মেডিকেয়ার সেভিংস কর্মসূচির জন্য [বয়স্কদের যোগ্যতা বৃদ্ধি করেছে](#), 65 বছর এবং এর বেশি বয়সী নিউ ইয়র্কবাসীদের আয়ের সীমা বৃদ্ধি করে ফেডারেল দারিদ্র্য সীমার 138 শতাংশ করার মাধ্যমে। এটি নিশ্চিত করবে যাতে আরো বেশি নিউ ইয়র্কবাসীর কাছে নির্ভরযোগ্য, সাশ্রয়ী স্বাস্থ্য কভারেজ পাওয়ার সুযোগ থাকে। এছাড়াও বাজেট 65 বছর ও তার বেশি অক্ষমতাসহ মানুষ ও নথিহীন ব্যক্তিদের জন্য যোগ্যতা বৃদ্ধি করেছে।

### **SNAP ভাতা পাওয়ার সুযোগ সম্প্রসারণ**

অফিস অফ টেম্পোরারি অ্যান্ড ডিজ্যাবিলিটি অ্যাসিস্টেন্স সম্পূর্ণক পুষ্টি সহায়তা কর্মসূচির জন্য একটি সহজতর আবেদন জারি করেছে, যার ফলে নিম্ন আয়ের কর্মজীবী মানুষের জন্য, বয়স্কদের জন্য, এবং অক্ষমতাসহ মানুষের জন্য খাদ্য ক্রয় করতে এই ভাতা পাওয়ার সুযোগ সহজতর হয়ে গেছে। গভর্নর হোকলের নির্দেশনায়, OTDA এছাড়াও এটি নিশ্চিত করতে পদক্ষেপ নিয়েছে যাতে যোগ্য বয়স্কদের SNAP ভাতা পাওয়া অব্যাহত থাকে, কত ঘনঘন তাদের নিজেদের যোগ্যতা পুনরায় প্রত্যয়ন করতে হবে তা বৃদ্ধি করে 36 মাস করার মাধ্যমে, এটি পূর্বের সময়সীমা থেকে 12 মাস বেশি। পাশাপাশি, বয়স্কদের এখন আর যোগ্যতা পুনরায় প্রত্যয়িত করার জন্য সাক্ষাৎকার সম্পূর্ণ করতে হবে না, যা প্রায়ই সফলভাবে পুনরায় প্রত্যয়ন করার পথের সবথেকে বড় বাঁধাগুলির একটি হয়।

**নিউ ইয়র্ক স্টেটের হোমস অ্যান্ড কমিউনিটি রিনিউয়ালের কমিশনার রুথঅ্যান ভিন্সাউস্কাস বলেন,** "বাকি দেশের মতো, নিউ ইয়র্কও আবাসন ও বাড়ির মালিকানার বর্ধিত খরচ নিয়ে সমস্যায় আছে। অতি গুরুত্বপূর্ণ বিধিমালার এই প্যাকেজটি স্বাক্ষর করার মাধ্যমে, গভর্নর হোকল আমাদের স্টেটে আবাসন ক্রয়ক্ষমতা উন্নত করার জন্য, আরো বেশি মানুষের জন্য প্রথম বার বাড়ি কেনা সম্ভব করতে, এবং আরো বেশি বয়স্ক মানুষ যাতে নিজেদের বাড়িতে নিরাপদে ও ক্রয়ক্ষমতার মধ্যে বাস করতে পারে তার জন্য RESTORE-র মতো কর্মসূচির অর্থায়ন করার সিদ্ধান্তমূলক পদক্ষেপ নিচ্ছেন।"

**ট্যাক্সেশন ও ফাইন্যান্সের ভারপ্রাপ্ত কমিশনার আমান্ডা হিলার বলেন,** "বয়স্কদের জন্য, অক্ষমতাসহ মানুষের জন্য, এবং সীমিত আয়ের মানুষের জন্য ক্রয়ক্ষমতা নিশ্চিত করা এই

কঠিন অর্থনৈতিক সময়ে তাদের দৈনন্দিন চাহিদা পূরণ করতে দেয়। এই সম্পত্তির কর অব্যাহতিগুলি মিলিয়ন মিলিয়ন পরিশ্রমী নিউ ইয়র্কবাসীর জন্য একটি মূল্যবান লাইফলাইন হিসেবে কাজ করতে পারবে। আমি মুদ্রাস্ফীতির সাথে এবং জীবনে নিত্য দিনের অনেক চাহিদার বর্ধনশীল খরচের সাথে লড়াই করতে গভর্নর হোকল ও স্টেটের আইনসভার অব্যাহত প্রচেষ্টার জন্য তাদের প্রশংসা করছি।"

**অফিস অফ টেম্পোরারি অ্যান্ড ডিজ্যাবিলিটি অ্যাসিস্টেন্স অফিসের কমিশনার ড্যানিয়েল ডব্লিউ টিয়েটজ বলেন,** "গভর্নর হোকলের নেতৃত্বের অধীনে, আমরা নিশ্চিত করছি যাতে আমাদের সর্বাধিক দুঃস্থ বয়স্ক মানুষেরা সহজে এমন কর্মসূচি ও সেবা পেতে পারে যা তাদের খাদ্য, শক্তি এবং আবাসনের মতো মৌলিক চাহিদার বর্ধনশীল খরচ সামাল দিতে সাহায্য করবে। সীমিত আয়ে বসবাসরত বয়স্করা অনেক সমস্যার সম্মুখীন হয় এবং এই বিধিমালার বিলগুলি তাদের কাজ সহজ করবে যারা বাড়িতে স্থিতিশীল থাকতে এবং সম্প্রদায়ের একটি অত্যাবশ্যকীয় অংশ হয়ে বাঁচার জন্য সংগ্রাম করছে।"

**নিউ ইয়র্ক স্টেটের অফিস ফর দ্য এজিংয়ের (New York State Office for the Aging) ভারপ্রাপ্ত পরিচালক গ্রেগ ওলসেন বলেন,** "নতুন এই আইনগুলি এমন কর্মসূচিসমূহের সক্ষমতা বৃদ্ধি করবে যা বয়স্ক বাড়ির মালিকদের এক স্থানে শেষ বয়স কাটাতে, আবাসন স্থিতিশীলতা ও অর্থনৈতিক নিরাপত্তা খুঁজে নিতে সাহায্য করার জন্য অত্যাবশ্যকীয় সহায়তা প্রদান করে। আমি এই কর্মসূচিগুলি এবং সকল বয়স্কদের বাড়ির মালিকদের সাহায্য করার বিকল্প সম্প্রসারণ করার জন্য গভর্নর হোকলের প্রশংসা করছি।"

**সিনেটের সংখ্যাগরিষ্ঠ নেতা আন্ড্রিয়া স্টুয়ার্ট-কাজিন্স বলেন,** "বয়স্ক জনগোষ্ঠী হলো নিউ ইয়র্কের সবথেকে দ্রুত বিকাশমান জনসংখ্যাগুলির একটি, এবং আমাদের স্টেটের জন্য দারুণ গর্বের উৎস। একটি পূর্ণজীবনের অবদানের পর, বয়স্করা যাতে তাদের বাকি জীবন আরামে ও মর্যাদা নিয়ে কাটাতে পারে তা নিশ্চিত করা আমাদের দায়িত্ব। আমার বিলটি সেই লক্ষ্যে সাহায্য করবে 65 বছর বা তার বেশি বয়সীদের এবং সীমিত আয়সহ অক্ষমতাসহ ব্যক্তিদের জন্য সম্পত্তি কর অব্যাহতির যোগ্যতা বৃদ্ধি করার মাধ্যমে। এটি আর্থিক বাঁধায়ুক্ত মানুষের উপর থাকা চাপ হালকা করতে এবং বয়স্ক ও অন্যান্য দুর্বল জনগোষ্ঠীর সম্পদ রক্ষা করতে সাহায্য করবে। আমি সিনেট সংখ্যাগরিষ্ঠতাকে (Senate Majority) এই সমস্যাতে মনোযোগ প্রদানের জন্য এবং গভর্নর হোকলকে আজকে এই অতি গুরুত্বপূর্ণ বিলগুলিকে আইন হিসেবে স্বাক্ষর করার জন্য ধন্যবাদ জানাচ্ছি।"

**স্টেটের সিনেটর মিশেল হিঞ্চি বলেন,** "নিউ ইয়র্কজুড়ে, হাজার হাজার বয়স্ক বাড়ির মালিকেরা অনিরাপদ অবস্থায় বাস করছে কারণ তারা বাড়ি মেরামতের খরচের সাথে তাল মিলিয়ে চলতে পারছে না, এবং এটি গ্রহণযোগ্য নয়। আমার RESTORE বিলটি সীমিত আয়ের বয়স্কদের জন্য মেরামত করার কাজে এবং তাদের চিরদিনের পরিচিত বাড়ি ও সম্প্রদায়ে নিরাপদে ও স্বাধীনভাবে বাস করার জন্য প্রয়োজনীয় অ্যাক্সেসিবিলিটি উন্নয়নের কাজে সাহায্য করবে। আমি বয়স্কদের জন্য বাড়ির মালিকানার খরচ কমাতে এবং নিরাপদ আবাসন থাকার মর্যাদা বিস্মৃত করতে এই বিলটি স্পন্সর করতে পেরে অত্যন্ত গর্বিত এবং এটিকে আইন হিসেবে স্বাক্ষর করার জন্য আমি গভর্নর ক্যাথি হোকলকে ধন্যবাদ জানাচ্ছি।"

**স্টেটের সিনেটর ব্রায়ান ক্যাভানা বলেন,** "এমনকি এই মহামারী শুরুর পূর্বেও, নিউ ইয়র্কবাসীরা একটি আবাসন ক্রয়ক্ষমতা সঙ্কটের সম্মুখীন ছিলো। বর্তমানে, মুদ্রাস্ফীতি চাপ, যার মধ্যে উচ্চতর মর্টগেজ হার রয়েছে, প্রথম বাড়ি কিনতে ইচ্ছুক মানুষের জন্য বাজারটিকে আরো কঠিন করে দিয়েছে। আমি যেই বিলটি স্পন্সর করেছি তা মিউনিসিপ্যালিটিগুলির জন্য প্রথম বার বাড়ি কিনতে এমন মানুষের জন্য স্থানীয় কর অব্যাহতি কর্মসূচি অব্যাহত রাখার জন্য অনুমোদিত তারিখ বিস্তৃত করার মাধ্যমে, পরিবারসমূহকে আমেরিকান স্বপ্নের একটি অংশের মালিক হওয়ার লক্ষ্য অর্জনে সাহায্য করে আর্থিক চাপ সহজ করতে সাহায্য করবে। এই বিলটি এবং আজকে গভর্নর হোকলের স্বাক্ষর করা অন্যান্য বিল সাশ্রয়ী বাড়ির মালিকানার প্রচার এবং আবাসন অস্থিতিশীলতা থেকে নিউ ইয়র্কবাসীকে রক্ষা করার জন্য আমাদের চলমান অঙ্গীকারের একটি অংশ। আমি অ্যাসেম্বলি সদস্য স্টিভ এঙ্গেলব্রাইটকে অ্যাসেম্বলিতে এই বিলটির পক্ষে কথা বলার জন্য এবং গভর্নর ও সিনেটর নেতা অ্যান্ড্রিয়া স্টুয়ার্ট-কাজিসকে আবাসনকে আরো সাশ্রয়ী করার লড়াইয়ে ও নিউ ইয়র্কবাসীর সমৃদ্ধিতে সাহায্য করতে তাদের নেতৃত্বের জন্য ধন্যবাদ জানাচ্ছি।"

**অ্যাসেম্বলি সদস্য স্টিভ এঙ্গেলব্রাইট বলেন,** "কমবয়সী কর্মজীবী পরিবারগুলি তাদের প্রথম বাড়ি কেনার সাথে সংশ্লিষ্ট খরচ মেটাতে হিমসিম খায়। এই বিধিমালাটি পরিবারসমূহের জন্য ভাড়াটিয়া থেকে বাড়ির মালিক হওয়া সহজতর করবে।"

**অ্যাসেম্বলি সদস্য টম আভিনান্টি বলেন,** "নতুন এই আইনটি নিউ ইয়র্কের আরো বেশি বয়স্ক মানুষকে এবং সীমিত আয়ের অক্ষমতাসহ মানুষদের সেই সম্প্রদায়ে নিজেদের বাড়িতে থাকতে সাহায্য করবে যেখানে তাদের বন্ধু ও আত্মীয়দের একটি নেটওয়ার্ক রয়েছে। এটি স্থানীয় সম্পত্তি করার চির-বর্ধনশীল বোঝা কম করার মাধ্যমে তাদের জীবনযাপনের ব্যয় উল্লেখযোগ্যভাবে হ্রাস করবে। এটি স্থানীয় সরকারসমূহকে আরো বেশি দুঃস্থ নিউ ইয়র্কবাসীর জন্য বর্তমান সম্পত্তি কর অব্যাহতি সম্প্রসারণ করতে দিবে, সর্বনিম্ন আয়ের সীমাকে 37,400 মার্কিন ডলার থেকে 50,000 মার্কিন ডলারে বৃদ্ধি করার মাধ্যমে, যা 2009 সালের পর থেকে 13 বছর ধরে বৃদ্ধি করা হয়নি। আমি গভর্নর ক্যাথি হোকলের প্রশংসা করছি নতুন এই আইনটি আমাদের সম্প্রদায়সমূহের জন্য কত গুরুত্বপূর্ণ তা উপলব্ধি করার জন্য।"

**অ্যাসেম্বলি সদস্য ক্যারি ওয়র্নার বলেন,** "পুরো স্টেটে সাশ্রয়ী আবাসন বিস্তৃত করতে গভর্নর হোকলের নেতৃত্বের জন্য তার প্রতি আমার ধন্যবাদ। আমার বিলটি স্বাক্ষর করার মাধ্যমে, যা RESTORE তহবিলের ব্যবহারে নমনীয়তা আনে, এবং এই বছরের বাজেটের বর্ধিত তহবিলের অনুবর্তী হয়ে, আমরা গ্রামীণ সম্প্রদায়ের সংগঠনসমূহকে নিম্ন আয়ের বয়স্ক মানুষদের জন্য জরুরি বাড়ি মেরামতের ব্যবস্থা আরো ভালোভাবে করতে দিচ্ছি।"

**AARP NY স্টেট পরিচালক বেথ ফিল্ফেল বলেন,** "এই কর্মসূচিগুলি জোরদার করা আবাসনকে সাশ্রয়ী ও সহজলভ্য করার ব্যাপারে কেন্দ্রীয় কাজ করে, যা আমাদের সম্প্রদায়কে বয়সবান্ধব করার একটি ভিত্তিপ্রস্তর। AARP নিউ ইয়র্ক একটি বয়সবান্ধব স্টেট তৈরি করতে অঙ্গীকারবদ্ধ যাতে করে আমাদের সকল পাড়া ও এলাকা বয়স্ক বাসিন্দাদের জন্য এবং সকল বয়সের মানুষের জন্য বাসযোগ্য হয়।"

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov) -এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্কাইব করুন](#)